



Iluaqusersuutit puigortunngornerlu

Puigortunngornermik nappaateqalernerup nassatarisaanik unammilligassanut ikorfartuutaasussanik taartaasussanillu piukkunnartunik teknologi atorlugu iluaqusersuuterpassuaqarpoq. Iluaqusersuutit ulluinnarni nammineersinnaanerulersitsillutillu toqqissisimanerulersitsisinnaapput. Inunnut puigortunngortunut iluaqusersuutit ilaat uani atuarsinnaavatit. Nunatsinni iluaqusersuutinut Nuummi qitiusumik peqqumaasiveqarpoq sinerissamilu kommunit allat assigiinngitsunik peqarsinnaallutik. Taamaammat nammineq kommuninnut saffiginnissaatit iluaqusersuutinillu pissarsisinnaanissamat periarfissaqarnerit apeqqutigalugu.

Iluaqusersuutit eqqaamasinnaassutsimut piffissamillu nakkutilliisinaanermut ikorfartuutit

Oqarasuaammi qarasaasiamiluunniit angallattakkami (iPad) internetsi atorlugu ullorsiuat; qaammatip, sap. akunnerata ullulluunniit ataasiakkaat akornanni toqqaanissannut periarfissiisinnaavoq. Internetsimi ullorsiummi kalerrisaarutunik, isumaqatigiissutunik imal. eqqaamasassanik eqqaasitsisinnaasunik aamma inissiisinnaavutit. Ullut tamaasa imal. sap. ak. ataasiarlutit pisassannik eqqaasitsisussanngorlugu aamma inissisinnaavat.

Oqarasuaammik atuinermi sumiissusersiniaanermilu iluaqusersuutit

Oqarasuaat

Nerrivimmiittussianik atoruminartunik, normunut toqqakkanut aalajangersimasunut, asseq toorlugu attaveqaataasinnaasunik, oqarasuaateqarpoq. Oqarasuaatinik angallattakkanik angisuunik kisitsisitalinnik imal. ataasiaannarlugu toorlugu normunut aalajangersimasunut attaveqarfiusinnaasunik, aamma peqarpoq.

Matuersaatinut ujarliut

Matuersaatinut ujarliut tassaavoq kalerrisaaruteeraq avataaniit aquttagaq, ass. matuersaatinut, aningaasivimmut taskimulluunniit ikkunneqarsinnaasoq. Kalerrisaarut aallartinneqaruni nipiliulissaaq taamaalillunilu tammaasaq sumiiffissineqarluni. Oqarasuaammi angallattakkami summiissusersisoqarsinnaavortaaq.

Sumiissusersiutit

Oqarasuaatit angallattakkat inuttaa sumiiffissisinnaanngorlugu sumiissusersiuteqarsinnaapput (GPS). App-it assigiinngitsut puigortunngornermik nappaateqartup oqarasuaataa qanigisaasunut attavilersinnaavaa.

Isumannaallisinaanermut toqqissisimanissamullu iluaqusersuutit

Malussarniutit

Erngup kuuffiiniq malussarniutitalinnik, isumaminnik kuulersarlutillu kuugunnaartartunik, ikkussisoqarsinnaavoq. Malussarniuttaaq iluaqutsiullugu qulleq ikinneqarlunilu qaminneqarsinnaavoq.

Kissarsuummut nakkutilliissut





Iluaqusersuutit puigortunngornerlu

Kissarsuummut nakkutilliissutit piffissap aalajangersimasup qaangiunnerani kissarsuut qamittussanngorlugu aaqqinneqarsinnaapput. Kissarsuutip immikkoortuisa ilaat ikumasooq malugisinnaavaa qamillugulu.

Ikuallattoqalerneranut/putsertoqalerneranut kalerrisaarut pujortartunullu saaliaqut

Puigortunngornermik nappaateqartoq pujortartarpat, cigaretsit ikumasut inigisami arlaanni siniffimmiluunniit puigorneqarsimasinnaanerat eqqumaffigisariaqarpoq. Kalerrisaarutininik ikkussinikkut pujortartartunullu saaliaqummik qinnuteqarnikkut ikuallattoqarsinnaanera pitsaalineqarsinnaavoq.

Qanoq ililluni iluaqusersuutininik qinnuteqartoqarsinnaava?

Iluaqusersuutit arlallit pisiniarfinni internetsikkulluunniit pisiassaapput, allalu kommunimut qinnuteqaatigineqarsinnaallutik. Kommuni, immikkut naliliineq tunngavigalugu iluaqusersuummik tunineqarsinnaanissannik aalajangiisaaq. Kommunip innersuussisarfia iluaqusersuutininik qinnuteqarfiussaaq.

